



**NA PODRUČJU TREBINJA UHAPŠEN
POZNATI SIMPATIZER ISLAMSKJE DRŽAVE**
**Kršo pokušao da se
pridruži teroristima**

D. SLADOJEVIĆ

TREBINJE - Kenan Kršo (40) iz Sarajeva, poznati simpatizer Islamske države, spriječen je da se pridruži toj terorističkoj organizaciji, potvrđeno je "Nezavisnim" iz policijskih izvora.

Njega su u petak na području

Trebinja uhapsili pripadnici Državne agencije za istrage i zaštitu (SIPA), postupajući po naredbi Tužilaštva BiH.

Kršo je, kako je potvrđeno "Nezavisnim", osumnjičen da je 26. aprila napustio BiH u namjeri da se u Siriji pridruži Islamskoj državi.

"Na graničnom prelazu za-



držali su ga policijski službenici Granične policije BiH nakon što je vraćen iz Cme Gore, te ga predali na dalje postupanje policijskim službenicima SIPA, saopštila je Kristina Jozić, portparol SIPA.

Postupajući po naredbi Suda BiH, pripadnici SIPA pretresli su

stambeni objekat na području Sarajeva koji koristi Kršo s ciljem pronalaska i privremenog oduzimanja predmeta koji mogu poslužiti kao dokaz.

On je i prije godinu dana hapšen zbog sumnje da je učestvovao u aktivnostima koje se mogu dovesti u vezi sa terorizmom.

I tada je, po naredbi Suda BiH i Tužilaštva BiH, pretresen stambeni objekat koji on koristi i pronađeno je te oduzeto oružje bez odgovarajuće dokumentacije, kao i drugi predmeti.

Takođe, krajem januara prošle godine on je sa dvojicom ljudi upao u džamiju na Staroj Breći u

Sarajevu, noseći na sebi majicu sa zastavom Islamske države, što je uznemirilo imama Muhameda Velića i džematlije.

On je tada, u toku hutbe, prekinuo Velića uzvikujući: "Lažeš!", želeći na taj način izazvati sukob sa džematlijama i imamom, a potom je otišao, te se nekoliko dana nakon tog incidenta predao policiji.

Kršo je poznat i po tome što je početkom prošle godine na Baščašiji u Sarajevu izazvao incident kada se pojavio u majici sa obilježjima Islamske države, nakon čega su ga sankcionisali pripadnici MUP-a KS.